

სახელმწიფო შესყიდვის შესახებ ხელშეკრულება №55/2019

ქ. თბილისი

“15” თებერვალი 2019 წ.

ერთის მხრივ საქართველოს გარემოს დაცვისა და სოფლის მეურნეობის სამინისტროს სსიპ – სურსათის ეროვნული სააგენტო (შემდგომში “შემსყიდველი”) წარმოდგენილი მისი უფროსის ზურაბ ჩეკურაშვილის სახით და მეორეს მხრივ. შპს “გუდ კოფე” (შემდგომში “მიმწოდებელი”) წარმოდგენილი მისი დირექტორის, გიგა ხვინგიას სახით. “სახელმწიფო შესყიდვების შესახებ” საქართველოს კანონისა და პრეტენდენტის სატენდერო წინადადების საფუძველზე. **NAT180020889** ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ. მასზე თანდართული ყველა დოკუმენტი.
- 1.2. “ხელშეკრულების ღირებულება” – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.
- 1.3. “დღე”, “კვირა”, “თვე” – კალენდარული დღე, კვირა, თვე.
- 1.4. “საქონელი” – ხელშეკრულების მე-2 მუხლით გათვალისწინებული ხელშეკრულების საგანი.
- 1.5. “ტექნიკური დავალება” – სატენდერო დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.
- 1.6. “ტექნიკური დოკუმენტაცია” – მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

2. ხელშეკრულების საგანი

- 2.1. ხელშეკრულების საგანს წარმოადგენს 609.000 კომპლექტი მსხვილფეხა საქონლის საიდენტიფიკაციო საყურე ნიშნის - ბირკები/საჭდეები (CPV 033400000) შესყიდვა;
- 2.2. მისაწოდებელი საქონლის დასახელება, აღწერილობა და ერთეულის ფასი მოცემილია ტექნიკურ დოკუმენტაციაში, რომელიც წარმოადგენს ხელშეკრულების განუყოფელ ნაწილს;
- 2.3. საქონლის მოწოდების პირობები მითითებულია ტენდერის ტექნიკურ დავალებაში და წარმოადგენს ხელშეკრულები განუყოფელ ნაწილს;

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს **454,983** (ოთხას ორმოცდათოთხმეტიათას ცხრაას ოთხმოცდასამი) ლარსა და 90 თეთრს (ერთეულის ღირებულება - 0,7471ლ).
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს.
- 3.3. ხელშეკრულება ფინანსდება სახელმწიფო მიზნობრივი ქვეპროგრამის “ცხოველთა ჯანმრთელობის დაცვა და იდენტიფიკაცია-რეგისტრაცია”-ს ფარგლებში.

4. საქონლის მიწოდების ვადები, ადგილი და პირობები

- 4.1. შესყიდვის ობიექტი მომწოდებლის მიერ შესაძლებელია მოწოდებული იქნას სრულად ხელშეკრულების გაფორმებიდან 30 კალენდარული დღის განმავლობაში, ან ეტაპობრივად;
- 4.2. ეტაპობრივად მოწოდების შემთხვევაში, პირველი და ყოველი მომდევნო პარტია უნდა შეადგენდეს არანაკლებ 100,000 კომპლექტს;
- 4.3. ყოველი შემდგომი პარტია მოწოდებული უნდა იქნას წინა პარტიის მიღებიდან არაუგვიანეს 30 კალენდარული დღის განმავლობაში;

- 4.3. შესყიდვის ობიექტს უნდა მოყვებოდეს შესაძენი საყურე ნიშნების შესაბამისი აპლიკატორი (საყურე ნიშნის დასამაგრებელი ხელსაწყო) - 300 ცალი, სათადარიგო ლითონის წვერებით;
- 4.4. საყურე ნიშნების ეტაპობრივად მოწოდების შემთხვევაში, ზემოთ აღნიშნული აპლიკატორები სათადარიგო ლითონის წვერებით, შემსყიდველს უნდა მიეწოდოს პირველ პარტიასთან ერთად.

5. მიღება-ჩაბარების წესი

- 5.1. ფაქტიურად მოწოდებულ საქონელზე, მხარეებს შორის გაფორმდება მიღება-ჩაბარების აქტი შესაბამისი ღირებულების ასახვით;
- 5.2. შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირები არიან ხელშეკრულების პირობების შესრულებაზე კონტროლის განმახორციელებელი ჯგუფის წევრები.

6. ანგარიშსწორების პირობები

- 6.1. მიმწოდებელთან ანგარიშსწორება განხორციელდება ეროვნულ ვალუტაში. შესაბამისი მიღება-ჩაბარების აქტის გაფორმების შემდეგ;
- 6.2. ანგარიშსწორების ფორმა იქნება – უნაღდო, თანხა ჩაირიცხება მიმწოდებლის მიერ, ხელშეკრულებაში მითითებულ საბანკო რეკვიზიტებზე;
- 6.3. ანგარიშსწორება მოხდება 10 სამუშაო დღის განმავლობაში მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან (იმის მიხედვით რომელი უფრო გვიან მოხდება).

7. მხარეთა უფლება-მოვალეობები

- 7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;
- 7.2. შემსყიდველი ვალდებულია გადაიხადოს საქონლის ღირებულება ხელშეკრულების პირობებისა და ვადის გათვალისწინებით;
- 7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულების პირობებისა და ვადის გათვალისწინებით;
- 7.4. მიმწოდებელი ვალდებულია:
- 7.4.1. შემსყიდველს მიაწოდოს ტექნიკური დავალების შესაბამისი საქონელი;
 - 7.4.2. გადასცეს შემსყიდველს უფლებრივად და ნივთობრივად უნაკლო საქონელი.
 - 7.4.3. უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან საქონლის მიწოდების ადგილამდე ტრანსპორტირების პროცესში. შეფუთვამ უნდა გაუძლოს ინტენსიურ ამწევ-გადასატვირთ ზემოქმედებას, გადატვირთვის დროს ნალექის ზემოქმედებას, ასევე ღია ცის ქვეშ შენახვას. საქონელი უნდა იყოს შეფუთული და მარკირებული საერთაშორისო სტანდარტების თანახმად;
 - 7.4.4. მიღებული საყურე ნიშნებით სურსათის ეროვნული სააგენტოს მიერ მსხვილფეხა პირუტყვის იდენტიფიკაციის შემდეგ, ცხოველებში გართულებების გამოწვევის შემთხვევაში, მომწოდებელი ვალდებულია საკუთარი სახსრებით უზრუნველყოს საყურე ნიშნების შესაბამის (IKAR-ის მიერ რეკომენდირებულ) ლაბორატორიაში გადაგზავნა, წინამდებარე სატენდერო დოკუმენტაციით განსაზღვრულ პირობებთან, მოწოდებული საქონელის ხარისხის შესაბამისობის დადგენის მიზნით;

8. ხელშეკრულების კონტროლი

- 8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველის მხრიდან განსაზღვრული პირ(ებ)ი;

8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციაა მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;

8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე;

8.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები;

8.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების საგარანტიო უზრუნველყოფა

მიმწოდებლის მიერ წარმოდგენილია ხელშეკრულების უზრუნველყოფის გარანტია ხელშეკრულების ღირებულების 3%-ის ოდენობით, რომლის მოქმედების ვადა ერთი თვით აღემატება ხელშეკრულების მოქმედების ვადას. აღნიშნული საგარანტიო უზრუნველყოფიდან მოხდება მიმწოდებლის ბრალით გამოწვეული ზიანის ანაზღაურება, მათ შორის ხელშეკრულების მე-10 მუხლით გათვალისწინებული პირგასამტეხლობისა.

10. პირგასამტეხლო ხელშეკრულების პირობების შეუსრულებლობისაგან

10.1. მიმწოდებლის მხრიდან ხელშეკრულების 4.1. პუნქტით გათვალისწინებული ვადების დარღვევის შემთხვევაში, მას დაეკისრება პირგასამტეხლო დაგვიანებით მოწოდებული საქონლის ღირებულების 0,02% ოდენობით, ყოველ ვადაგადაცილებულ დღეზე;

10.2. ხელშეკრულებით გათვალისწინებული პრობების არაჯეროვანი შესრულების შემთხვევაში, მიმწოდებელს დაეკისრება პირგასამტეხლო არაჯეროვნად შესრულებული ვალდებულების 0,02%-ის ოდენობით;

10.3. ხელშეკრულებით ნაკისრი ვალდებულების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების ჯამური ღირებულების 10% ოდენობით;

10.4. თუ ხელშეკრულების 10.1. და 10.2. პუნქტებით გათვალისწინებული პირგასამტეხლოს თანხა გადააჭარბებს ხელშეკრულების ჯამური ღირებულების 1%, შემსყიდველ უფლება აქვს ცალხრივად შეწყვიტოს აღნიშნული ხელშეკრულება.

10.5. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის. გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების შეწყვეტა

12.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ.

12.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.

13.3. მხარეთა ვალდებულებები და პასუხისმგებლობა განხილდება დაუძლეველი ძალის მოქმედების დასრულებისთანავე.

14. სხვა პირობები

14.1. ხელშეკრულება ძალაში შედის მისი ხელმოწერი მომენტიდან და მოქმედებს 2019 წლის 14 ივლისის ჩათვლით;

14.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერი მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.4. გამარჯვებული პრეტენდენტის მიერ წარმოდგენილი სატენდერო წინადადება და დანართები წარმოადგენს ხელშეკრულების განუყოფელ ნაწილს.

შემსყიდველი

მიმწოდებელი

სსიპ – სურსათის ეროვნული სააგენტო	შპს „გუდ კოფე“
ს.კ. – 205142200 თბილისი, მარშალ გელოვანის №6 სახელმწიფო ხაზინა ანგ. №200122900 კოდი: 220101222	ს.კ. – 405059314 მისამართი: თბილისი, ი. პეტრიწის №2/80 მომსახურე ბანკი: ს.ს. „საქართველოს ბანკი“ ბ.კ. – BAGAGE22 ა.ა. – GE62BG 0000 0008 4120 2900
სააგენტოს უფროსი	დირექტორი
ზურაბ ჩეკურაშვილი	გიგა ხვინგია



(Handwritten signature)

ხ ე ლ წ ე რ ი ლ ი
ინტერესთა კონფლიქტის არარსებობის შესახებ

ჩვენ, ქვემოთ ხელის მომწერი ვადასტურებთ, რომ შპს „გუდ კოფე“-ს მიმართ ვაკმაყოფილებთ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

სსიპ სურსათის ეროვნული სააგენტოს უფროსი

იურიდიული დეპარტამენტი

საფინანსო-ეკონომიკური დეპარტამენტი

ვეტერინარიის დეპარტამენტი

სახელმწიფო შესყიდვების სამმართველო

სსიპ სურსათის ეროვნული სააგენტოს

ს ა ბ ა ნ კ ო გ ა რ ა ნ ტ ი ა N CPB 100115

(საფუძველი: 2019 წლის 07 თებერვლის საბანკო გარანტიის ხელშეკრულება N CPB 100115), საქართველოს
სამოქალაქო კოდექსის 879-ე მუხლი და საქართველოს კანონი „სახელმწიფო შესყიდვების შესახებ“)

გარანტი – სს „სადაზღვევო კომპანია უნისონი“ (ს/კ 404393152)

პრინციპალი – შპს „გუდ კოფე“ (ს/კ405059314);

ბენეფიციარი – სსიპ სურსათის ეროვნული სააგენტო (ს/კ205142200);

საგარანტიო თანხა – 13 650 (ცამეტი ათას ექვსას ორმოცდაათი) ლარი

საბანკო გარანტიის მოქმედების ვადა – 2019 წლის 08 თებერვლიდან და მოქმედებს 2019 წლის 20 აგვისტომდე

- გარანტი პრინციპალის თხოვნით, გასცემს წინამდებარე საბანკო გარანტიას პრინციპალსა და ბენეფიციარს შორის 2019 წლის 04 თებერვალს N 09/636 წერილის საფუძველზე გასაფორმებელი ხელშეკრულებით (მსხვილფეხა (რქოსანი) პირუტყვის ბირკები/საჭდეების შესაყიდვა - NAT180020889) გათვალისწინებული პრინციპალის მიერ ვალდებულებების შესრულების უზრუნველყოფის მიზნით,
- აღნიშნული ხელშეკრულების დადგენილ ვალდებულებათა შეუსრულებლობისას გარანტი ბენეფიციარს გადაუხდის საგარანტიო თანხას ასეთი თანხის მიღებაზე ბენეფიციარის წერილობითი მოთხოვნისა და მოთხოვნაზე თანდართული დოკუმენტების საფუძველზე, რომელშიც მითითებული უნდა იყოს, თუ რაში გამოიხატება პრინციპალის მიერ ვალდებულებების დარღვევა, რომლის უზრუნველსაყოფადაც გაიცა საბანკო გარანტია და ბენეფიციარისათვის გადასახდელი თანხის ოდენობა.
- ბენეფიციარის მოთხოვნა საგარანტიო თანხაზე გარანტის მიერ მიიღება მხოლოდ წინამდებარე გარანტიის მოქმედების პერიოდში.
- ბენეფიციარის მოთხოვნის ჩაბარების თარიღად ჩაითვლება მოთხოვნის თანდართული დოკუმენტებით უშუალოდ გარანტისათვის ჩაბარების თარიღი.
- გარანტის ვალდებულება ბენეფიციარის მიმართ წყდება:
 - საბანკო გარანტიის ვადის გასვლისას;
 - ბენეფიციარის მიერ გარანტიიდან გამომდინარე თავის უფლებებზე უარის თქმისა და მათი გარანტისათვის დაბრუნებისას;
 - ბენეფიციარისათვის ინ თანხის გადახდით, რომელიც მითითებულია ბენეფიციარის მოთხოვნაში.

ვასილ ახრაბაძე

გენერალური დირექტორი

07 თებერვალი 2019 წელი



უნისონი
სადაზღვევო კომპანია
404393152
სს. სადაზღვევო კომპანია უნისონი
INSURANCE COMPANY UNISON